

Na osnovu člana 32. Zakona o javnim nabavkama Bosne i Hercegovine («Službeni glasnik BiH», br. 39/14), a nakon provedenog postupka javne nabavke za nabavku za „Nabavka web aplikacije bazirane na GIS platformi za evidenciju podataka o putu i putnoj infrastrukturi“ zaključen je

OKVIRNI SPORAZUM

za „Nabavka web aplikacije bazirane na GIS platformi za evidenciju podataka o putu i putnoj infrastrukturi“

Između sporazumnih strana:

DIREKCIJA ZA PUTEVE KANTONA SARAJEVO, Ministarstvo saobraćaja, ulica Hamida Dizdara broj 1 Sarajevo, koju zastupa direktor Selmir Kovač dipl.ing.saob. (u daljem tekstu:Naručioc)

i

“TeleGroup” d.o.o. Sarajevo, ul. Fra Anđela Zvizdovića 1, toranj B (za Grupu ponuđača: TeleGroup d.o.o. Sarajevo, Planet Soft d.o.o. Banja Luka, Planetsoft d.o.o. Beograd) JIB broj: 4202127640005, koga zastupa direktor Ešref Salković. (u daljem tekstu: Izvršioc)

I PREDMET SPORAZUMA

Član 1.

Ovim Okvirnim sporazumom sporazumne strane se sporazumijevaju da će Izvršioc tokom ugovornog perioda, po ukazanoj potrebi, a na osnovu zahtjeva Naručioca izvršavati naložene poslove definisane postupkom javne nabavke za „Nabavka web aplikacije bazirane na GIS platformi za evidenciju podataka o putu i putnoj infrastrukturi“, sve prema zahtjevima definisanim u postupku javne nabavke, specifikaciji, tenderskoj dokumentaciji i Ponudi Izvršioca broj: PON-03-027/20 koja čini sastavni dio ovog Sporazuma.

Ovim okvirnim sporazumom (u daljem tekstu Sporazum) Direkcija za puteve i Izvršioc sporazumjeli su se o međusobnim odnosima, pravima, i odgovornostima u vezi sa uslovima i načinom izvršenja posla.

Okvirnim sporazumom naručioc i Izvršioc su saglasni da mogu u toku cijelog perioda na koji se sporazum zaključuje zaključivati ugovore iz oblasti za koje je proveden postupak javne nabavke.

Okvirnim sporazumom se definišu uslovi pod kojim se mogu dodijeliti ugovori tokom određenog perioda, u skladu s predviđenom cijenom i predviđenim količinama.

Pojedinačnim ugovorima koji će se zaključiti na osnovu ovog Sporazuma utvrditi će se vrijednost poslova za pojedinačni ugovor.

II ROK TRAJANJA I CIJENA

Član 2.

Okvirni sporazum zaključuje se za period od 2 godine, odnosno do iskorištenja raspoloživih novčanih sredstava/maksimalne finansijske vrijednosti od

467.766,00 KM sa pdv-om
(slovima: **četiristotinešezdesetsedamhiljadasedamstotinašezdesetšest KM i 00/100**)
(**399.800,00 KM bez pdv-a**)

Sporazumne strane su saglasne da je utvrđena cijena iz prihvaćene ponude fiksna i nepromjenljiva. Ugovorna cijena sadrži kompletne troškove koji su u vezi sa izvršenjem ugovornih obaveza uključujući sve troškove potrebne za izvršenje radova.

Ukupna vrijednost pojedinačno zaključenih ugovora ne može biti veća od prihvaćene cijene ponude.

Član 3.

Izvršioc je dužan naručeni posao izvršiti u roku definisanim od strane naručioca, na mjestu i na način koji je definisao Naručioc. Cjelokupne troškove izvršenja posla snosi Izvršioc.

Izvršioc je dužan ugovoreni posao izvršiti prema uslovima iz tenderske dokumentacije, općim ugovornih uslovima, pravilima struke i prihvaćene Ponude.

Izvršioc je odgovoran za kvalitetno, stručno i blagovremeno vršenje poslova.

III NAČIN PLAĆANJA

Član 4.

Za izvršeni posao Naručioc je obavezan izvršiti plaćanje u roku od 60 dana od dana prijema računa.

Član 5.

Sporazumne strane su saglasne da Izvršioc neće zapošljavati fizičke i/ili pravne osobe koje su sudjelovale u pripremi tenderske dokumentacije i /ili su bile član Komisije za javne nabavke Naručioca ili su u svojstvu stručnog lica bile angažirane od strane Komisije za javne nabavke, prilikom dodjele ovog Sporazuma.

Ograničenje u smetnji traju šest mjeseci od dana stupanja na snagu ovog Sporazuma odnosno od početka njegove realizacije.

IV MJERODAVNO PRAVO

Član 6.

Sporazum se kreira u skladu sa odredbama i uslovima postupka javne nabavke i prihvaćene tenderske dokumentacije, a na sva ostala prava i obaveze koja nisu regulirana ovim Sporazumom, primjenjivat će se odredbe Zakona o obligacionim odnosima.

Član 7.

Ukoliko Izvršioc ne ispunjava svoje preuzete obaveze, Naručioc će ga pismeno pozvati da postupi prema odredbama ovog Sporazuma.

Ako Izvršioc ne postupi prema pismenoj opomeni ni u datom naknadnom primjerenom roku, Naručioc zadržava pravo da jednostrano raskine ovaj Sporazum i traži naknadu nastale štete. Naručioc ima pravo da raskine ugovor ako Izvršioc propusti da izvrši svoje obaveze u toj mjeri da je opravdano očekivati da neće izvršiti kvalitetno ugovorenu obavezu u roku i na način koji bi za naručioca bio prihvatljiv.

V RJEŠAVANJE SPOROVA I MJERODAVNO PRAVO

Član 8.

Eventualne sporove sporazumne strane će nastojati riješiti sporazumno, u duhu dobrih poslovnih odnosa i uzajamnog povjerenja, a u slučaju da sporazum ne bude postignut konačno će se riješiti pred nadležnim sudom u Sarajevu.

VI POSEBNE ODREDBE

Član 9.

Sporazum ostaje na snazi do okončanja izvršenja ugovorene usluge, u okviru definisanog perioda i raspoloživih sredstava za finansiranje.

Sporazumne strane mogu sporazumno otkazati ovaj sporazum i prije njegovog izvršenja ukoliko, neovisno od sporazumnih strana, nastupe okolnosti koje bitno utiču na predmet izvršenja sporazuma. U tom slučaju sporazum se raskida.

VII ZAVRŠNE ODREDBE

Član 10.

Sporazum stupa na snagu sa danom obostranog potpisivanja ovlaštenih predstavnika sporazumnih strana.

Sastavni dio sporazuma čini predmjer i predračun radova iz prihvaćene ponude Izvršioca.

Član 11.

Sporazum je sačinjen u 6 (šest) istovjetnih primjeraka, od kojih svaka od sporazumnih strana zadržava po 3 (tri) primjeka.

TeleGroup d.o.o. Sarajevo

Direkcija za puteve Kantona Sarajevo

Broj: UG-04-009/20
Datum: 01.04.2020.g.

Broj: 04-14-44464-OS/19
Datum: 30.03.2020. godine

